



Early Journal Content on JSTOR, Free to Anyone in the World

This article is one of nearly 500,000 scholarly works digitized and made freely available to everyone in the world by JSTOR.

Known as the Early Journal Content, this set of works include research articles, news, letters, and other writings published in more than 200 of the oldest leading academic journals. The works date from the mid-seventeenth to the early twentieth centuries.

We encourage people to read and share the Early Journal Content openly and to tell others that this resource exists. People may post this content online or redistribute in any way for non-commercial purposes.

Read more about Early Journal Content at <http://about.jstor.org/participate-jstor/individuals/early-journal-content>.

JSTOR is a digital library of academic journals, books, and primary source objects. JSTOR helps people discover, use, and build upon a wide range of content through a powerful research and teaching platform, and preserves this content for future generations. JSTOR is part of ITHAKA, a not-for-profit organization that also includes Ithaka S+R and Portico. For more information about JSTOR, please contact support@jstor.org.

other Weight at V, because then their perpendicular Ascent or Descent will not be equal.

VI. *De Ingenti Sanguinis Vomitu perquàm gelidissimis brumali tempore Potionibus curato, Observatio ad Regiam Scientiarum Londinensem Societatem à Petro Antonio Michelotto M. D. R. S. S. transmissa.*

QUUM Patritius Juvenis Præstantissimus Ludovicus Maffetti, rure, ubi venatione, & perequitando se vehementer exercuerat, in urbem reversus Sanguinem Decimo Calendas Januarias ciocccxxviii. ad uncias quinque, sexve matutinis temporibus vomeret, hujuscemodi curationem institui. Primum, quòd Cruoris in Arterias, Venasque vim, eas distendere continenter nitentem insigniter, & præcipuè ex superfluenta Sanguineæ materiæ copia adauctam animadverteterem; minimèque ignorarem ipsum Nobilissimum Juvenem laborare scyrrhoso lienis tumore, ob quem, & Sanguinem vel hos ante quatuor annos evomuerat, & narium copiosis hæmorrhagiis à prima usque adolescentia vere, & autumno quotannis tentari consueverat; quæ, posteaquam fortuito à lusoribus folliis capiti impactus fuerat, ferè ex toto defecerant; quòd hæc, inquam, minimè ignorarem, ad uncias circiter octo ex hæmorrhoidibus Sanguinem per hirudines protinus mitti, ejus copię demendæ, atque à liene, & ventriculo avertendæ causa præcepi; tùm aquam ex plan.

plantaginis succo, *corallato* nitro bene saturam cyathi mensura sæpius eo die forbendam præbui ad Sanguinis fervorem compescendum. Sanguineo verò vomitu circa secundam noctis vigiliam vehementius urgente, sub eoque, Sanguine maximo impetu copiosissimè ad os ruente, aquam ex lactuæ succo, *cydoniati* J. B. Helmontii *Laudani* guttis duodecim, unciarum quatuor pondo commistam confestim potui dedi, & Cruoris potissimum velocitatis minuendæ, & somni accersendi ergò: quod medicamentum, quum *Æger*, Sanguine ex ventriculo tertium, quartumque ingenti copia erumpente, rejiceret, ad catapotia ex perfici *philonii* scrupulis sex, ex aqua succi Sanguinalis herbæ devoranda decurri. Sub idem tempus gelidam aquam frigido aceto permistam ore contineri, spongiamque perfrigido aceto benè imbutam epigastricæ regioni adinoveri jussi, ad sanguifera stomachi vasa, sive exesa, sive rupta, sive quocunque modo patefacta constringenda: quem in finem, quandoquidem idem cruentus Vomitus quintum, sextumque revertebatur, atque *Æger* exanimari videbatur, non modò ad confectionem ex contusis albi papaveris, & hyoscyami seminibus rosaceo saccharo, armenia bolo, ac lapide hæmatite adjectis, semicochlearii pondere devorandam decurrebam; sed ad consolidantia quoque catapotia, quæ sub Autore *Helvetio* Patre feruntur, quorum terni scrupuli quarta quoque hora assumebantur ex aqua modò commemorata, in qua modica pollinis ex margaritis, & rubris coralliis in calcem reductis, itemque ex *magisterio* (ut Chymici loquuntur) oculorum cancrorum portio soluta erat. Per hæc auxilia consecutus sum, ut Sanguis per aliquot horas conquieverit.

A Sanguinis per selectas Venas detractiōe ea nocte abstinui : primum, quod Sanguinem ad libras duodecim, & ampliùs duarum circiter horarum spatio ex ore processisse, jacentemque ob id, in conclavi frigido, paucis vestimentis corpori injectis quietus animo linqui perspicerem ; tùm, quod Cordis, & Arteriarum coagitatio, & quod consequēbatur, residui Cruoris paucissimi velocitas esset quam maxima ; indè, quod ad avertendum tantæ sanguineæ materiæ à ventriculo cursum, exiguam Sanguinis emissionem, & parvo quidem tempore duraturam, sive ex parte ab ipso affecto ventriculo minus remota, sive ex Vena quàm longissimè ab eo distante haud sufficere, existimarem ; postea, quod, vel per medicam, hujuscemodì rebus circumstantibus, Sanguinis detractiōem, sulphuratarum sanguineæ massæ particularum ad coccineas massulas pænè ex toto deficientes proportionem jam notabiliter (uti ex magna siti, corporis calore, brachiorum, & crurum jactatione, insignique pulsus frequentia conjiciebam) increscentem, una cum Sanguinis velocitate cruentum Vomitus rursus excitare valente summoperè adaugeri posse, providerem.

Albente cælo, Vomitu denuò reverso, ad Sanguinem, qui notabili tum quoque copia evomebatur, supprimendum, frigidum ex urenti jurtica Succum, cui tosti opii grana octo admista erant, ad uncias quatuor potandum obtuli ; qui quum ex toto non responderet, ad extremum ratiocinando constitui, & Sanguinis Ductus in ventriculi cavum pertinentes ejus aerem condensando comprimere, & Sanguinem ab iis supportatum reprimere perquàm gelidissimis potionibus quia verò cujusquemodì generis cibos, sive ex contrite

trito pane, sivè ex recentium ovorum vitellis, in gal-
linaceorum pullorum jusculis, solutis, sivè ex ptisana
hordeacea, oryzæque cremore, Æger morbo fufus, sto-
macho maximoperè languente reddebat, forbitiones
virium imbecillitati succurrentes, neque onerantes de-
legi: & primum quidem ex *chiocolatte*; tùm ex
vaccino lacte, & saccharo; indè ex hoc, & cremore
ex dulcibus amygdalis, albique papaveris seminibus
recens expresso: cujusmodi liquores frigoribus ex
glacie & nitro congelati, scilicèt modò unus, modò
alius quinta, sextave quaque hora ad uncias circiter
septem hauriebantur, interpositis non multis quidem,
sed sæpè nocte, ac die haud leviter sitienti datis ex
frigida Nucerina aqua potionibus. Quæ curandi via
maximè, quemadmodum ego arbitror, rationalis mi-
rificè quum conferret, in ea perstiti ferè usque ad Fe-
bruarii mensis proximè insequentis initium; quo tem-
pore victum primis quidem diebus ex decocta in gal-
linaceo jusculo oryza, consciffove triticeo pane, eodem
jusculo, benè madente, aut recenti ovo; in sequenti-
bus verò diebus ex carnibus quoque, modò gallina-
ceis, modò vitulinis, & interdum ex avibus im-
peravi: prætereaque ad imbecillem stomachum con-
firmandum præscripsi tincturæ ex absinthio sine vini
spiritu extractæ guttas circiter sexaginta quotidie pau-
lo ante prandium ex pimpinellæ herbæ aquæ cochle-
ario sumendas.

Prætereo, me tertio, quartove morbi die vaccinum
lac, butyro, ovi vitello, ac rubro saccharo admistis in
ultima intestina per clysteres infundi, curasse ad atrum
sanguinem ex ventriculo ad inferiores partes defluen-
tem educendum: quem propterea quòd crassi ex fuli-
gine

gine pulveris formam habere, animadverterem; à medicamentis ad Cruoris in ventriculi caveam effusi concretionem prohibendam, tollendamve, in quocunque Vomitu Sanguinis ab aliis medicis præscribi solitis abstinere, satius duxi, quàm iis propinatis, ad effectum à curatione per gelidissimas potiones jam prosperè inceptum perficiendum vires adhibere videri, ejusmodi quamfrigidissimarum Cruorem cogentium forbitionum viribus planè atque omninò contrarias.

Atque hac quidem ratione medendi splendidissimum Ægrotantem ad desperationem redactum ex gravissima, & periculosissima, de qua hætenus retuli, valetudine, Oculatissimis, Clarissimisque Urbis Medicis, B. Zendrino, & Jo.D. Santorino mihi testibus liberavi: cui, ne in eundem morbum deinceps relabatur, Sanguinis uncias septem octove, tertio quartove quoque mense mitti jubeo, plerumque ex brachiis, interdum ex hæmorrhoidibus. Istiusmodi autem præsidii genere ad Sanguinis profusionem prohibendam utendi, causa hæc est. Splenis scirrhus supra commemorato, Sanguinei ad eum attinentes Ductus magnoperè obstructi eam Sanguinis copiam, cui continendæ apti creati sunt, profectò capere nequeunt; reliqui igitur corporis, & quod consequitur, eò magis ventriculi ipsi lienis propinqui canales Sanguinem ducentes, quantitatem ejus naturali majorem contineant, necesse est: hique propterea sic extrorsum trudi, ac dilatari poterunt, ut Sanguini continenter ex ipsis manare conanti patefiant; sicuti plerumque contingit in maribus, foeminisque, quibus Sanguinis sputa, vomitus, aut ejus ex naribus profluvia propter insignes vasorum vel infimi ventris obstructions fiunt. Sed

in *lienosis præsertim copiosas, & immodicas Sanguinis fusque, deque rejectiones* vidisse se narrat Jo. Riolanus; historiaeque ex Hippocrate, & Valverda affert eorum, qui Sanguinis Vomitu ex turgente splene interiêre. Id ergo malum ne accideret, præcavendum mihi existimabam repetita Sanguineæ materiæ detractiōe. Et quoniam Sanguinis in suos Ductus impetus velocitatis quoque incremento augeri potest; ob hoc, & aquæ frigidæ potum vini loco, & abstinentiam à venatione, cursu, aliisque ejuscemodi Cruoris motum vehementer accelerare potentibus imperavi, & eventu sanè ad ultimum usque mensem Anni MDCCCXXX. prosperrimo.

Nam eo anno postridiè Calendas Decembres in eundem Illustrissimus, atque Excellentissimus, de quo retuli, Patritius Sanguinis Vomitum noctu relabitur. Ad eum visendum protinus accitus; quandoquidem libram unam tantummodò, alteramve Sanguinis evomuerat, & plenitudinem boni adesse Cruoris videbam: quanquam cruenta Vomitio continuabat, & Arteriæ sub ea penè ex toto submittebant sese; nihilominus tamen Sanguinis uncias circiter decem, ad eum à ventriculi sanguiferis vasis avertendum ex vena in lævo brachio secta, nulla interposita mora, mitti jubeo; indè liquidi Helmontii *Laudani* guttas quindecim, octodecimve ex pimpinellæ minoris aquæ unciis quatuor sumendas præscribo; atque hujusmodi remedium somni inducendi, & cruoris velocitatis retardandæ causâ in usum vocatum, ter, quaterve, quòd Sanguinis Vomitu redeunte rejiciebatur, ea nocte ad propositum mihi finem consequendum repetere coactus sum.

Vomitùs vix horas duas sub hisce auxiliis conquievit: eo autem semel, iterumque reverso, ex hæmorrhoidibus quoque Sanguinem ad uncias circiter quatuor educi præcipio, eodemque tempore ad quamgelidissimas, quæ aliàs felicissimè cesserant, optimèque nunc respondent in quadam Virgine profusissimo Cruoris ex uteri vasorum oppillationibus Vomitu ferè exinanita, sorbitiones devenio: & primùm quidem ad *Chioccolatte*, tùm horis circiter quatuor exactis ad alios congeliatos liquores, quos *Sorbetti* ex *Spumiglia*, & *Pappina*, vernacula Lingua hîc appellant. Ex cujusmodi artificiali gelu concretis liquidis, nempe modò ex uno, modò ex altero ad coercendum Vomitu, viresque reficiendas non multum quidem, ne ventriculum morbo solutum oneraret, sed sæpè Æger fermè exanimis degustabat. Hujusmodi per summè gelidas sorbitiones curandi ratione, Cruoris maximè gastricis Arteriis ac Venis contenti motum valentissimè refrenare potente, obtinui, ut Vomitus ad insequentem usque diem quieverit; in quo bis reversus, iisdem quamgelidissimis potionibus pertinaciter tertia, quartave quaque hora repetitis iterùm compressus est.

Tertio mali die, Sanguinem quidem, at non in multa copia, Nobilissimo Ægrotanti denuò circa vesperam vomenti catapotia auri bracteis obvoluta, ad accersendum Somnum, & ad Cordis atque arteriarum coagitationes præternaturales compescendas, devoranda ex aquæ tormentillæ herbæ succi unciis tribus dedi, quæ recipiebant perfici *philonii* grana triginta, tosti opii semisrupulum. Hæc autem adeò responderunt, ut, & Vomitus protinus sedatus sit, & longiusculus

guscus somnus noctu accesserit. Dum hæc adversus Sanguinis Vomitionem gerebantur, alvus lacte, butyro, saccharo, ac ovi vitellis commistis, & in inferiores partes infusis, secundo, tertiove die ad nigrum Sanguinem ex ventriculo ad intestina sub bilis atræ specie jam quoque delapsum evacuandum ducebatur; aquaque præterea ex millefolii succo, in qua cotoneum malum parumper ebullierat, glacie gelidissima reddita ad stomachum æstu suo languidum erigendum, ad Ductus Sanguinem in eum importantes confirmandos, & ad sitim, quæ die tertio urgere coepit, moderandam sæpius die, ac nocte, parcè tamen, ne Stomachus ipse tunc multum admodum infirmus ad resistendum obrueretur, potui dabatur.

Dies duodecim frigidissimam hanc, tenuissimamque victus rationem, sub qua flatus quamplurimi per inferiora maximo cum crepitu descendebant, satis feliciter adhibui: post quod tempus, quum de ventriculi distendente dolore Ægrotus (quòd præmemorata glaciale aqua ad depellendam, qua continuò ardebat, sitim abusus esset) gravissimè quereretur, illam dimisi; atque in ipsius locum substitui victum paulò pleniorum ex calidis gallinaceorum pullorum jusculis, in quibus recentis ovi vitellus cum permodica succi ex limonio malo portione solutus erat. Quæ juscula bis in die hauriebantur, interposita summis matutinis temporibus benè calida ex *Chioccolatte* sorbitione, cui frigida aquæ potio, tum ventriculi refrigerandi, tum importunæ sitis elidendæ ergò præmittebatur. Adversus autem istiusmodi permolestam stomachi distentionem præter calentes sorbitiones, catapota quoque modò proposita inordinatos nervorum, & animalium

malium Spirituum motus componendi virtute prædita propinavi.

Quartodecimo die dolor, & tumor ponè sinistram aurem ad inferioris mandibulæ medium, & amplius sese exporrigens, posteaquam caput proximè è antecedentibus diebus leviter doluerat, extemplo luboritur; eodemque tempore febris, quæ alioqui continens quidem, sed nequaquam ingens erat cum levi frigore, & aliqua mentis turbatione intenditur. Contra quem dolorem calida, humidaque fomenta ex vaccini lactis, & aquæ simplicis, in quibus sambuci flores decocti erant, partibus equalibus, spongiis admotis sæpè repetenda præscribo: per quæ humoris parotidam efficientis coitus intrà octo dies ferè ex toto solutus est. Post quod tempus febricula circà noctem paulum increfcens, mane se remittens continuabat; Æger siti non adeò cruciabatur, frigidam Nucerinam aquam potabat; interdium vigilabat, noctu conquiescebat; calidis, quas dixi, sorbitionibus reficiebatur, & interdum ptisana quoque ex oryza utebatur. Natura vel dum benè valebat ructuosus, aliquando conquerebatur de quibusdam (ut ipse aiebat) acidis ventriculi irritantibus, pituitæ, & nonnunquam alimentorum rejectum moventibus: adversus quæ absinthii tinctura semel die circà meridiem, sæpiùs frigida aqua ex Nucerino Fonte huc importata haud improspere pugnabam; atque interdum remedio perfici *philonii*, & tosti opii; interdum quamgelidissima ex lacte, & saccharo, gelu artificiosè concretis, sorbitione ad crebrò ructantem, calidisque fermentationibus (quod ut facilè credam, haud leves sunt causæ) commotum
stoma-

stomachum componendum prospero successu, noctu utebar.

Circa diem quadagesimum aquosi humoris Vomitus decedebat; Arteriæ naturaliter ordinatæ erant; venter quotidie satis; copiosam verò urinam vesica reddebat; & vires, ac ciborum appetentia accedebant sic, ut valentiozem cibum, frigidum videlicet ex cervino cornu, & vitulinis pedibus gluten Convalescenti paulo antequam nutrientia juscula supra commemorata forberet, quotidie ter oporteret offerre. Ab ejusmodi alimenti genere primum ad oryzam in capi jusculo coctam, & gallinacea jecinora elixa; inde ad tenerarum gallinarum, vitulorum, coturnicumque carnes transit: edulio ex vaccino lacte, recentis ovi vitello, & tantilla sacchari portione, ad cochlearium unum, aut alterum commanducato, alvi movendæ gratia. Atque in præsentia sanus est, & benè valet. D. Venetiis Quinto Calendas Februarias CIOIOCCXXXI.

Animadversio.

Propositum Sanguinis Vomitus per congelatas, quas recensui, prohibitiones suppressendi rationem, quam solidissimis ratiocinationibus esse innixam, demonstratu haud ita difficile est. Primum namque sanguiferi ductus Sanguinem in ventriculi cavum, sive rapturâ, sive erosione, sive raritudine propriarum tunicarum, sive orum suorum aperturâ profundentes, glacialis ejusmodi congelatarum celeriter in ventriculum defluentium potionum frigoris vi, nulla re interposita tacti, quasi perusti, quàm citissimè, validissimèque

lidissimèque fieri potest, corrugantur; tùm Sanguis his ipsis Ductibus contentus vehementissimè cogitur, atque in majores canales repellitur; deindè toto corpore ob idem gelidissimum frigus inhorrescente, reliquum Sanguinis in suis motibus lationis, & agitationis multum admodum retardatur, ac proin ejus impetus ex Cordis, & Arteriarum pulsus velocitate enascens, arteriosorum, venosorumque canalium extremis orificiis patefaciendis peropportunos notabiliter imminuitur; postea illæ ipsæ quamgelidissimæ potiones ex fatis nutrientibus massulis coagmentatæ per notissimas chyli vias Sanguinis alveos influentes residui Cruoris particulas, congregando absque ullo impetu rescindunt. Quum igitur, quam expono, adversus Sanguinis Vomitus pugnandi ratio, & ventriculi vomendi conatus cohibere, & Sanguinem sistere pluribus de nominibus valeat; subveniendique insuper, et promptè quidem imbecillitati Ægrotantis sufficienti virtute polleat: ecquis Saniorum saltem Medentium jam est, qui eam & maximè rationalem, & efficacissimarum in Cruorem vomentibus virium esse, non fateatur?

Pulcherrimam Aretæi ex Cappadocia græco-latinam editionem *Oxonia* ad me transmissam inspicienti mihi, Sanguinis Rejectionis Curatio, Acutorum morborum Libro Secundo ab eo proposita sub aspectum venit. Quum autem hanc perlegerim ad eum locum deveni, ubi *præsentio rem medicinam in iis, quæ bibuntur, & devorantur*; esse, ait, quorum speciem triplicem existere subjicit; *vel ut vasa rogendo, compremendoque fluxionis ductus quasi ligent*; *vel ut effluentem humorem incrassent, atque congelent, quo minus es-*
fun-

fundatur, quanquam exitus pateat ; vel ut vias exiccent, Sanguinem intrà sedem antiquam retinendo, ne profluvio loci exinaniti maneant, & in eam partem exudent, ubi facta est effusio.

Miles ille in Græcorum Veterum Medica Disciplina gloriarum plenissimus, qui cujusdam Georgii Schmidt Corcyræ Nigræ ficti Medici cognomine Personatus, clamoso libello ranæ ad instar.clamitans ranuncolorum vim maximam hos ante sex annos in me commovit: Miles, inquam ille Gloriosus (ut Plautina phrasi dicant) *cujus ego legiones diffilavi Spiritu*, ex hisce Aretæi verbis: *cogendo, comprimendo ; quasi ligent, atque congelent*: colligi posse, quòd Sanguinis Vomitum, cujus Historiam cum Medica Republica communico, curandi methodus sola ratione hoc in casu à me inventa, in ejusdem Cappadociæ Medicorum Principis De Curatione Sanguinis Rejectionis Capite contineatur, procul dubio dictitabit. Verum enimverò, id à veritate omninò abhorrere, evidentissimum fiet, remedia, quæ *valida*, & ad *concretionem efficacia* idemmet vocat Aretæus, perpendenti. Non enim glaciem, nivem, aut quos ego adhibui, congeliatos liquores ad vasorum compressionem, & Sanguinis, quam cæteroqui necessaria non cognoscis, concretionem inducendam proponit ; sed simplicem *poscam ; plantaginis, vuae acerbæ, sanguinalis herbæ, seridis, coriandrive cum aceto succum ; aridam acaciam ; leporis, hinnuli, aut hædi coagulum ; terram Samiam, Etreriam, sigillatamque Lemniam ; corallium, sapam Creticam, pastillos ex Ægyptia Spina*, atque hujus generis alia multa, quæ hîc referre piget. Quod ad alimenta attinet : ea adstrin-

gentia

gentia quidem, & facultate refrigerantia, vel tactu frigida esse debere, scribit: at verò mentionem tantummodò injicit *elotæ alicæ, oryzae in posca, palmularum decocti, tostii panis sicci, contusi in farinae speciem cribro trajecti*: ex quibus *Sorbitiones cum oleo (cui thymbra inspergi potest sale condita, cum rhoe)* faciendas esse, præcipit. Si ex profusione mors timeri possit: injucunda etiam, & concoctu difficilia esse præbenda, ex galla arida contrita lenti sicca, frigidaque inspersa, atque ova inter coquendum crassa effecta, tradit. Atque his utendum esse inculcat, si adstringere, & refrigerare in animo habeamus. Sanguinem autem, & spiritum incrasantia auxilia recensens: ad hoc præstandum, *Sorbitiones ex lacte, amylo; aut ex alica modò cum amylo, modò cum lacte; alicamque præterea cum palmulis coctam, & ad consistentiam optimè perductam cum amylo, vel lacte, vel farre Thyrræno; itemque milium cum lacte*, atque horum similia maximè valere, perhibet.

Ut itaque leniori epilogo Militi nostro Gloriosissimo satisficiamus: quum Aretæi neque alimenta, neque medicamenta adversus Sanguinis vel à liene profusiones; congelatarum, quas Inclyto meo Ægro tanti cum rejectis Sanguinis suppressendi, tum viri-um levissimo, gratissimoque cibi genere sustinendarum causa dedi, sorbitionum virtutibus æquales simileseve obtineant facultates; hæque ab illis plurimum differant: nemo deinceps suspicari poterit, meam, antè recensitum Sanguinis Vomitus, per quam gelidissimas, summis frigoribus, propinatas potiones edomandi, comprimendique methodum ab Aretæi fontibus emanasse. Si in supra allegatis Aretæi ver-

bis eam, de qua disputatur, curandi viam reapse subesse, idem Philogræculus Miles, ad Graiorum Medicæ Artis principum (quos *superum* consiliis instructos credit) scripta, tanquam ad Sibyllinos libros adhærescens novisset: eam profectò, quatuor circiter abhinc annis, nimirum dum Patritio nostro Sanguinem copiosissimè primùm Evomenti unà cum aliis Medicis assideret, adhibuisset. At sub ejus curandi forma per largas, repetitasque Sanguinis detractiones, & medicamenta nitrum recipientia ex Clarissimo Georg. Stahlio excerpta Æger longo vitæ curriculo Dignissimus moriturus esset: in ea autem opera à mortis limine revocatus est. Sed Philogræculum dimittamus: ad glaciali frigore curandi rationem revertamur.

Viri Eruditissimi Thomæ Bartholini de Nivis usu Medico libellum nuperrimis diebus quum evolverem, inveni non Abensinam modò potionem nive refrigeratam in calidis ventriculi passionibus imperare, sed & Galenum. Hic, eodem referente Bartholino, Senecam, *solutum & æstu suo languidum stomachum perurente frigore erigendum esse*, in Naturalibus quæstionibus scribentem fortasse secutus: in ventriculo curando refrigerationem sibi proponit per aquam, cibos, fructus nive refrigeratos. * *Vidisti*, inquit, *& tu quosdam uno die, vel potius hora, frigida potione levatos; quorum aliis non aquam modo dedi fontanam recentem, sed etiam quæ nive esset refrigerata, veluti Romæ præparare solent: cibos præterea ad eundem modum refrigeratos identidem me illis permittere vidisti: iisdem dedi, & ptisanam probè coctam pariratione refrigeratam, aliaque id genus sexcenta.*

* Lib. vii. Met. Med. Cap. iv.

Præter Abenfinam, & Galenum, Rhasem quoque Zacutum, Amatunque Lusitanos, Lud. Septalium, Laz. Riverium, atque alios, qui ad percalidum ventriculum multum infrigidandum, colicosque ex calidis, ac biliosis humoribus coortos dolores depellendos cibo, & potu gelido, & frigida aqua in linteolis ventri imposita usi sunt, adducit idem Bartholinus: qui autem Sanguinis rejectiones, effluentiasve ex quacunque corporis nostri parte, potionibus nive, vel glacie, quam frigidissimis redditis; aut alius generis gelidissimis prohibitionibus curarint, profert neminem. Quod ad me attinet: congelatiatos ex melonum seminum cremore, & modico Saccharo liquores parca manu circa primum vespere oblatos satis feliciter hisce frigidissimis diebus expertus sum in juvenilis ætatis, & fervidæ temperiei Moniali ex Patritia Ericciorum Familia quamsplendidissima; quæ ventriculi nervorum spasmo ab vehementi moestitia ortum ducente, lævumque ejus orificium ita constringente, ut, & gravem, suspiriosamque respirationem efficeret, & cum esculentorum, tum potulentorum vel parcissimè assumptorum descensum penè ex toto prohiberet, graviter vexabatur.

Hippocrates, quanquam *frigida, veluti nivem, & glaciem Sanguinis Eruptiones inducere*, scribit Aphor. Sect. V. Aph. xxiii. nihilo tamen secius Aphor. xxiii. asserit: *in his frigida uti oportere, unde sanguis erumpit, aut erupturus est, & quidem circa ipsas partes, unde fluit*. Memini, me sex circiter abhinc annis, Sanguinis ingens ex utero profluvium, communibus medicamentis, & ne perfrigida quidem aqua quicquam proficientibus, promptissimè in Meritissima Matrona, media æstate suppressisse, perurente glacie genibus, & cruribus super imposita, cruralibus,

& quod confequitur, iliacis, aliisque in uterum definentibus Arteriis, ac Venis maximopere coarctatis, repressoque propterea, ac veluti ab consuetis viis intercluso Sanguine.

Verumtamen, tametsi quamgelidissimas, quas sæpius commemoravi, fortibiones adversus cujusquemodi profluvia Sanguinis, & maximè ex ventriculo, ab immodico Sanguinei amnis fervore, & accelerato motu enata, aut cum his conjuncta, & in juvenibus potissimum, quibus cruor, & stomachus ex æstuat, magnopere collaudo: non idè tamen suadere ausim, ut illæ ipsæ congelatæ sorbitiones mulieribus Sanguinem ex partu vomentibus, aut frigidis ventriculi, atque intestinorum fermentationibus obnoxiiis sine ullo discrimine propinentur. In Sanguinis ex partu vomitionibus: uti neque *multa calida aqua lavarem*, neque *tepefactoria* (quemadmodum Hippocrates tùm in libro de Morbis Muliebribus, tùm in eo, quem de Natura Muliebri inscripsit, indiscriminatim præcipit) tam facile adhiberem: sic asininum, & vaccinum lac ab eodem Hippocrate iis in casibus præscriptum haud quaquam planè damnarem. Sanguinem, inquam, ex lochiorum suppressione, aut imminutione evomentibus; primum venas in pedibus secari ad Sanguinem à ventriculo revocandum; tùm calidis fomentis ex aqua, & albo vino, in quibus emollientes, aperientesque herbæ ebullierint, hypogastricam regionem frequentissimè foveri, cruraque, & pedes eodem tempore multa calida aqua lavari juberem ad uteri vasa referanda; indè ad lac, humectandæ & reficiendæ sanguineæ massæ causa, transirem. Sin verò mulieri sanguinem vomendo rejicienti puerperii purgationes naturaliter fluerent, non calidis

lidis fotibus, & lavacris, sed remediis Sanguinis impetum sedantibus, ejus calorem cogendo moderantibus, confirmantibusque vasa ventriculi, ad singulas circumstantes res attentè respiciendo, cruentum vomitum suppressere pertentarem. Eo autem compresso ad lacteam diætam, vel hac non conferente, ad reficientes potiones ex *Chioccolatte*, nutrientibus gallinaceorum pullorum, ranarum, terrestriumve testudinum jusculis, atque horum similibus devenirem.

F I N I S.

L O N D O N :

Printed for W. INNYS, at the *West-End* of St.
Paul's Church-Yard.

M D C C X X I.